

Wien, Österreichische Nationalbibliothek (ÖNB), Cod. 11672

Michael Denis: Codices Manuscripti Bibliothecae Palatinae Vindobonensis Latini Aliarumque Occidentis Linguarum. Vol. I. Pars II. Wien 1794.

1253

D O G M A T I C I.

1254

O. P. Theologus *Salmanticae* 1546. vivis exemtus, cujus *Relectiones* XII. teste *Biblioth. Scriptt. Ord. T. II. p. 130.* impressae sunt *Lugd. 1557. 8.* et alibi. Docet Editio mox memorata, Nosfram praesentem eo sensu *Secundam* dici potuisse, quod *Relectionis I.* fit veluti Pars Altera; initium enim est: *In alia Relectione pro anno 1531. differuimus de potestate ecclesiastica ex parte &c.* *Απογοραφον* nostrum reticet hunc annum; ad calcem vero habet: *Rome 26. Augusti. 1566.*

IX. fol. 454. *Relectio Magistri Victoriae de Homicidio, habita in die Sancti Barnabae Apostoli.* Addit Editio supracit. *An scilicet sit fortis uiri occidere se.* Est *Relectio* ordine IX. et in *Cod.* subscribitur: *Anno 1567. 8. Aprilis.*

CCCXXIV.

644 Codex chartaceus lat. Sec. XVII. Folior. 58. 4. inscribitur: *Theoria prima Theologiae in communi.* Subditur: *LECTIO prima Theologica 7^a. die Februarij Anno 1605.* Initium: *Methodi quam in tradendis Scientijs humanis obseruauimus, commoditas et perspicuitas suadet, ut eandem in explicanda Sacra Theologia contemplatrice diuinorum adhibeamus &c.* Magistri verba videntur Iuueni cuidam Principi *εγκυκλοπαιδειαν* tradentis. Methodus porro tabellaris et admodum concinna est, pensis five *LECTIONIBUS* diurnis ad marginem notatis. Auto-
Denis Codd. Theol. V. I. P. II.

res, quibus utitur Noster, post Patres *Pet. Lombardus, Thomas, Scotus, Bannes, Bellarminus, Alph. de Castro, Ge. Ederus, Greg. de Valentia &c.* sunt; sed non progreditur ultra *Theoriam secundam*, quae *Attributorum diuinorum seu Dei absolute* praenotatur. Quid si *Christophorum Labbeum* e S. J. *Virdunensem* dicas, qui *Leopoldum Caroli Styriaci* filium Ep. *Passaviensem Graecii* literis humanioribus et Philosophia a se imbutum Theologicis deinceps disciplinis formandum anno supra dicto *Passauium* comitatus ibidem a. 1607. occubuit, septennio in instituyendo hoc Archiduce versatus, ut docet *Lustrum IV. et V. Uniuersit. Graecensis* editum *Graecii* 1720. 12. Vide *Cod. DCLXXVI.*

CCCXXV.

Codex membraneus lat. Sec. 723 XVII. Folior. 17. 4. eleganter scriptus, et symbolicam Virtutum *Ferdinandi III.* Rom. Imp. Picturam praefereus Theses ex uniuersa Theologia complectitur sub ejusdem Principis auspiciis in Academia *Ingolstadiensi* pro consequendis Doctoris Insignibus publicae discussioni subiectas a *Matthia Doll* Caesari a Sacris, qui eundem in *Praef.* inter alia ita adloquitur: *primum meum Sacrificium in tua aliorumque Magnatum praesentia bisce Comitibus Deo a me offerri permisisti.* Comitibus haec a Decembri 1652. ad Majum 1654. *Ratisbonae* tenuere.
D Si

1255

C O D I C E S

1256

Si Thefium XIV. (tot enim numero sunt) literas initiales componas, habebis: *Ferdinandus III.* qui ejus aetatis lusus fuere.

CCCXXVI.

618 Codex membraneus lat. Sec. partim XIII. partim XII. Foliorum nunc 160. 4. a diversis manibus partim lineis longis, partim vero per 2. columnas exaratus complectitur sequentia: I. Tractatum Theologicum de *Deo*, cujus prima Quaestio: *Vtrum Theologia sit scientia?* Ultima: *Utrum plures ydee sint in deo?* in qua abruptitur. Autor nullibi notatur.

II. fol. 57. Incipit uita sancti siluestri pape. Hoc tenore: *Sanc-tus Silvester cum esset infantulus a uidua matre iusta nomine et opere nutritus traditus est cirino presbitero &c.* Vide, si placet, quae

de hac *Vita* ad Cod. CCXCVIII. dicta sunt. In praesenti concordat cum Exemplo *Bon. Mombritii de Vitis SS. T. II.* ibid. citato usque ad verba: *et inestimabilem affluentiam gaudiorum*, post quae in Codice additur fabulosa Narratio Somnii *Constantini M.* in quo a *Silvestro* iussus est oratione *Aniculam* mortuam ad vitam revocare; haec vero *Anicula Byzantium* erat, ab ipso deinceps restaurandum et suo compellandum nomine. Figmentum hoc ita incipit: *Post hec Constantinus augustus habuit bellum scitarum et uictoria celebrata cum esset in partibus traciarum in ciuitate que bizantium uocabatur, uidit somnium &c.* Et finit: *et appellata est constantinopolis. id est constantini ciuitas. usque in bodiernum diem.*

III. fol. 86. Incipiunt nomina episcoporum sancte coloniensis Ecclesie.

*Pontificum gesta breuitate profatur honesta
Urbs agripine discreto singula fine.*

Catalogus sic init: *Aput agrippinam nobilem ciuitatem gallie primus adeptus est episcopatum sanctus maternus treuirorum ac tungrorum pariter episcopus. Anno ibesu XC. IIII. Domitiano imperatore regnante. seditque annis XL. et obiit Colonie sub adriano imperatore. Anno domini C. XXIII. Qui treuerim delatus cum sanctis Eucharis et Valerio honorifice est tumulatus. Vides, sermonem esse de Materno, quem quidam a S. Petro submissum esse volunt;*

verum ab a. 94. ad an. 123. non 40. sed ad summum 30. anni fluxere. Pergit Noster: *Deinde usque ad effratam (Euphratam) hereticum nullus colon. ecclesie profuisse dinoscitur. de quo varie traduntur coniecture. uel quod in paganismum fuerit relapsa. uel si qui episcopi successerunt. ob persecutionem latenter profuerunt. uel sicut beatus maternus successores eius cum treuerensi Coloniensem ecclesiam usque ad prefatum hereticum regebant. Coniecturis hujusmodi*